

Ўзбекистон Республикаси Фавқулдда вазиятлар вазирлиги нашри ○

Газета 2004 йил 7 майдан чиқа бошлаган



## УЧ АВЛОД УЧРАШУВИ

Тошкент шаҳар Фавқулдда вазиятлар бошқармасида “Уч авлод учрашуви” тадбири ташкил этилди.

Тадбирда тизимда узоқ йиллар фаолият олиб борган истеъфодаги фахрийлар, кўп йиллардан буён хизмат қилиб келаётган устозлар ва бошқарманинг ёшлардан иборат ҳарбий хизматчилари иштирок этди.

Учрашувда Тошкент шаҳар Фавқулдда вазиятлар бошқармаси бошлиғи генерал-майор Р.Ҳайдаров сўзга чиқиб, ўзининг узоқ йиллик машаққатли хизмат фаолияти, тажрибаси билан ўртоқлашди.

Шунингдек, тадбирда ФВВ Фахрийлар марказий кенгаши раиси, истеъфодаги полковник Э.Икромов ҳам сўз олиб, кексаларни ҳамиша эъзозлаш, уларга ҳурмат-эҳтиром кўрсатиш умуминсоний қадриятлардан бири эканлигини таъкидлади.

Ўз навбатида, бугунги кунда мамлакатимизда ёш авлод учун улкан имкониятлар яратилаётганлиги, бу жараёнда катта авлод вакилларининг тажрибаларидан унумли ва самарали фойдаланилаётганлиги, аynи анъана Учинчи Ренессанс пойдеворини мустаҳкамлашда ҳаётбахш омиллардан бири бўлаётганлигини алоҳида эътироф этди.

Тадбир якунида бир гуруҳ ҳарбий хизматчиларни нафақага кузатиш тадбири ҳам ўтказилиб, уларга халқимизнинг миллий анъаналарига кўра, зарбоф тўн ва дўппи кийдирилиб, эзгу тилаклар билдирилди.

**А.РУСТАМОВ,**  
Тошкент шаҳар ФВВ  
ЖТваОАВБХҒ раҳбари,  
капитан,  
**Ж.АБДУЛЛАЕВ,**  
етакчи мутахассис.



## ҚИЗГИН КЎРИК-ТАНЛОВЛАР

ФВВ Академиясида вазирлик тузилмаларининг ҳарбий хизматчиларидан таркиб топган жамоалар ўртасида “Тарих билимдони” ва “Энг яхши ҳарбий қўшиқ ижрочиси” кўрик-танловлари ўтказилди.

Мазкур тадбирда Ўзбекистон Республикаси Фанлар Академияси Тарих институти, Ўзбекистон Композиторлари ва бастакорлари уюшмаси, Ўзбекистон Республикаси Маданият ва туризм вазирлиги, Ўзбекистон Ёзувчилар уюшмаси, Республика Маънавият ва маърифат марказининг масъул ходимлари, таниқли ёзувчи ва шоирлар, ФВВ раҳбарияти, академия ҳарбий хизматчилари, курсантлар ва ОАВ ходимлари иштирок этдилар.

Тадбирни ФВВ Марказий аппарати бошқарма бошлиғи полковник Абдуазим Аҳмадходжаев очиб, бугунги Янги Ўзбекистон даврида ёшларни ҳарбий-ватанпарварлик руҳида тарбиялаш, жумладан, вазирлик тизимида хизмат олиб бораётган ҳарбий хизматчиларнинг ҳаётий ва профессионал кўникма-

ларини мустаҳкамлаш, уларнинг онги ва қалбига илм, маънавият ва маърифат ғояларини сингдириш муҳим вазифалардан бири эканлигини таъкидлади.

Шундан сўнг танловларга старт берилди. “Тарих билимдони” танловида жамоалар блиц саволлар, тест саволлари, суратдаги тарих шартлари бўйича беллашдилар. “Энг яхши ҳарбий қўшиқ ижрочиси” кўрик-танловида ижро этилган дилрабо куй-қўшиқлар тадбирга ўзгача шукуҳ бағишлади.

Тадбир якунида ФВВ раҳбарияти томонидан ғолиблар ва фаол иштирокчиларга дипломлар ҳамда қимматбаҳо эсдалик совғалари тантанали топширилди.

**Фарҳоджон ХОЖАЕВ,**  
ФВВ Академияси  
катта ўқитувчиси, майор.



УШБУ СОНДА:	<p><b>МО'YNOQDA ISH QIZG'IN</b></p>  <p>3-бет</p>	<p><b>МАҲОРАТ СИНОВИ</b></p>  <p>4-бет</p>	<p><b>ОЙЛИК ДОИРАСИДА</b></p>  <p>5-бет</p>	<p><b>ДУНЁДАГИ ЭНГ КАТТА ШАРШАРАЛАР</b></p>  <p>8-бет</p>
-------------	--	--	--	--

## КЕНГАШ ЙИФИЛИШИ

Ўзбекистон Республикаси Ҳарбий прокуратурасида Қуролли Кучлар тизимидаги вазирлик ва идораларнинг 2023 йилнинг 6 ойида қонунийлик, ҳуқуқ-тартибот аҳволи, ҳуқуқбузарликларнинг олдини олиш ҳамда ҳарбий интизомни мустаҳкамлаш борасидаги фаолияти юзасидан мувофиқлаштирувчи кенгаш йиғилиши ўтказилди.



Ҳарбий прокуратура ходимлари, Мудофаа, Фавкуллда вазиятлар вазирликлари, Миллий гвардия, ДХХ Чегара қўшинлари, ИИБ Қоровул қўшинлари ҳамда Халқаро аэропортларда хавфсизликни таъминлаш бўйича қўшинлар қўмондонликлари вакиллари ва масъул офицерлари

иштирок этган тадбирни Республика Ҳарбий прокурорининг биринчи ўринбосари Отабек Холбоев олиб борди.

Муҳокамалар давомида жиноятчилик ва ҳуқуқбузарликларнинг олдини олиш, ҳарбий хизматчиларнинг ҳуқуқий онги ва ҳуқуқий маданиятини янада юксалтириш бора-

сида амалга оширилган ишлар сарҳисоб қилинди. Ҳарбий хизматчилар ва улар оила аъзоларининг ижтимоий ҳимоясини таъминлаш, ёшларни ватанпарварлик руҳида тарбиялаш борасидаги ишларни жадаллаштириш бўйича аниқ тавсиялар берилди.

Шунингдек, қўшинларда қонун устуворлигини таъминлаш ва қонунийликни мустаҳкамлаш, жамиятда ҳуқуқий маданиятни юксалтириш, жиноятчиликка қарши кураш ва унинг олдини олиш борасида юқори самарадорликка эришган 10 нафар ҳарбий қисм ёки муассаса раҳбари Ўзбекистон Республикаси Бош прокурорининг ўринбосари — Ўзбекистон Республикаси Ҳарбий прокурорининг ташаккурномаси билан тақдирланди.

Тадбир якунида кўриб чиқилган масалалар юзасидан тегишли қарор қабул қилинди.

**Улуғбек ХОЛМАМАТОВ,**  
Ўзбекистон Республикаси  
Ҳарбий прокуратураси  
бўлим ҳарбий прокурори,  
адлия капитани.

## HUQUQBUZARLIKLAR PROFILAKTikasi

Farg'ona Harbiy prokuraturasi tomonidan viloyat FVBda o'tkazilgan uchrashuvda harbiy xizmatchilarga huquqbuzarlik va jinoyatchilikka yo'l qo'ymaslik kerakligi, transport hodisalarini sodir etmaslik, tavakkalchilikka asoslangan o'yinlarda ishtirok etmaslik, ichkilikbozlik hamda korrupsion holatlarni keltirib chiqarmaslik tushuntirildi.



Rahbar xodimlar zimmasiga qo'l ostidagi har bir xodim bilan yakka tartibda suhbatlar o'tkazib borish, jamoada sog'lom muhitni shakllantirish, shaxsiy tarkibning dunyoqarashi, jinoyatchilikka qarshi immunitetni shakllantirish, tamagirlik va korrupsiya holat-

larining oldini olishga qaratilgan davra suhbatlarini doimiy ravishda o'tkazib borish vazifalari yuklatildi.

**Davlatjon SHERMATOV,**  
Farg'ona viloyati  
FVB bo'lim boshlig'i,  
podpolkovnik.

## ҲАРБИЙ АЁЛЛАР – ЭЪТИБОРДА

Сирдарё вилояти ФВБда “Коррупция – тараққиёт кушандаси” мавзусида семинар ўтказилди.

Ўзбекистон Республикаси Ҳарбий прокуратураси ташаббуси билан “Ҳарбий прокуратура – армия прокуратураси” шиори остида тўрт кун давомида пойтахтимиздаги барча ҳарбий қисм ва муассаса-

ларда хизмат қилаётган аёл-ҳарбийлар иштирокида комплекс тадбирлар ташкил этилди.

Республика Ҳарбий прокуратураси раҳбарияти томонидан шахсий қабуллар, хотин-қизлар-

нинг ижтимоий ҳимоясига доир қонунчилик моҳияти юзасидан учрашувлар ўтказилди.

Шунингдек, чуқурлаштирилган тиббий кўрик, шу жумладан, аёллар орасида кўп учрайдиган онкологик касалликларнинг олдини олиш мақсадида махсус текширувлар ташкил қилинди. Бундан ташқари, Ўзбекистон прокуратураси тарихи музейига ва бошқа диққатга сазовор масканларга ташрифлар уюштирилди.

**Сардорбек ЁРМАТОВ,**  
Ўзбекистон Республикаси  
Ҳарбий прокурорининг  
ёрдамчиси, адлия  
подполковниги.



## SEMINAR

Samarqand viloyati FVB va uning tarkibiy tuzilmalari korrupsiyaga qarshi kurashish komissiyalari va huquqni muhofaza qiluvchi tashkilotlar hamkorligida Paxtachi tumani FV bo'limi shaxsiy tarkibi ishtirokida seminar o'tkazildi.

Tadbir davomida 2023-yilning III choragi davomida “Korrupsiyaga qarshi kurashni o'zimizni isloh qilishdan boshlaylik!” mavzusida joylarda

profilaktik tadbirlar o'tkazilib kelinayotganligi, ushbu tadbirlarning ta'sirchanligini yanada oshirish yuzasidan korrupsiyaga qarshi kurashish komissiyaga raislariga ko'rsatmalar berildi.

Shu bilan birga, xodimning xulqi va xatti-harakatlari, ularni xizmat va xizmatdan tashqari vaqtlarda ham nazorat qilish hamda oilaviy sharoiti bilan yaqindan tanishib borish lozimligi qayd etildi.

**Y.ABDULLAYEV,**  
Samarqand viloyati FVB  
shaxsiy xavfsizlik bo'limi  
bosh inspektori, mayor.



## БОШҚАРМАМ – КОРРУПЦИЯДАН ХОЛИ ХУДУД

Тошкент шаҳар ФВБда “Менинг бошқармам – коррупциядан холи ҳудуд” ва “Коррупциясиз фаолият – ривожланиш гарови” мавзуларида семинар тадбири ўтказилди.

Тадбирда бошқарма шахсий хавфсизлик бўлими раҳбари подполковник Шуҳрат Эсонов сўзга чиқиб, ҳарбий хизматчилар ўртасида қонун бузилиши ҳамда корруп-

цион ҳолатлар билан боғлиқ вазиятларнинг учраб турганлиги жуда ачинарли эканлигини таъкидлаб, барчани ўз хизмат вазифасини ҳалоллик билан олиб боришга чақирди.



Таҳлиллардан маълум бўлишича, 2023 йилнинг шу кунига қадар бошқарма ва унинг таркибий тузилмаларида ҳарбий хизматчилар томонидан қонун бузилишлари ва коррупцион жи-

ноятлар содир этилмаган.

Ҳозирда бу каби профилактик тарғибот тадбирлари бошқарма тизимида давом эттирилмоқда.

**Азамат АМАНОВ,**  
Тошкент шаҳар ФВБ  
шахсий хавфсизлик  
бўлими бош  
инспектори, майор.

Mo'ynoq tumanida ishchi guruhlar tashkil qilinib, Orol dengiziga yaqin hududlarda faoliyat yuritayotgan korxonalaridagi agregatlarning mavsumning issiq vaqtlarida ishlash jarayonlari ko'zdan kechirilmoqda. Yangidan qurilayotgan har bir obyektning loyiha hujjatlariga kiritilgan yong'inga qarshi tadbirlarning ta'minlanishi o'rganib chiqilmoqda.

## MO'YNOQDA ISH QIZG'IN

Aniqlangan kamchiliklar va muammolari bartaraf etish bo'yicha joyida bartaraf etish ishlari amalga oshirilmoqda. O'rganilgan tashkilot, obyekt rahbarlari hamda xodimlariga yong'inlarning oldini olish hamda sodir bo'lgan yong'inlar-

ni boshlang'ich davrda bartaraf etish bo'yicha mashg'ulotlar o'tkazilib, amaliy ko'nikmalar berilmoqda.

**Azamat TAJIMURATOV,**  
Mo'ynoq tumani  
FV bo'limi bo'linma  
boshlig'i, kapitan.



## TUШУНТИРИШ

Жиззах вилояти Зомин туманида вилоят ФВБ томонидан болаларнинг ёзги дам олиш оромгоҳларида хавфсизликни таъминлаш, ёнгин хавфсизлиги қоидаларига риоя қилиш, бирламчи ёнгин ўчириш воситаларидан фойдаланиш тартиби тушунтирилмоқда.



Бу эса ўз навбатида ёш авлодни ёнгин-қутқарув соҳасига қизиқтириш, уларни фавқулодда вазиятларда тўғри ҳаракатланишга ўргатиш, ёнгин хавф-

сизлиги қоидаларини ўзлаштиришларига замин яратмоқда.

**Ифтихор УМАРОВ,**  
Жиззах вилояти ФВБ  
ахборот хизмати  
раҳбари, капитан.

Қуйичирчиқ тумани ФВ бўлими ходимлари томонидан янги барпо этилаётган уй-жио комплексларида фуқаролар хавфсизлигини таъминлаш ва моддий бойликларни ёнгиндан асраш юзасидан бир қатор профилактик тадбирлар ўтказилмоқда.

## ЁНГИН НАЗОРАТИ

Мазкур тадбирлар давомида ёнгинларни бартараф этишда зарур ёнгинга қарши сув ҳавзаларини ташкил этиш, сув минораларини қуриш ва сув қувурларини тортиш, биноларни хавфсиз иситиш тизимини яратиш ва бошқа ҳолатлар кўздан кечирилди.

Қурувчи ва ишчи-муҳандислар билан иш жараёнида ёнгин келиб чиққанда ҳаракатланиш тартибига оид амалий-ўқув машғулотлари ташкиллаштирилди.

**Э.ЖУМАБОВЕВ,**  
Қуйичирчиқ тумани ФВ бўлими бўлинма  
бошлиғи, катта лейтенант.

## YOSHLAR ISHTIROKIDA

Olmazor tumani FV bo'limi boshlig'i podpolkovnik Sh.Ibragimov hamda tuman Tibbiyot birlashmasi bosh shifokori A.Nizamov tumanidagi muammosi mavjud yoshlar bilan suhbatlashdi.



Tadbir davomida ularni qiynab kelayotgan muammolar atroflicha o'rganildi. Olmazor tumani "Nihol" MFYda yashovchi, 1998-yilda tug'ilgan nogironligi bo'l-

gan fuqaro Nilufar Abdulhamidovaga nogironlik aravachasi topshirildi.

**Sardor ILHOMOV,**  
Olmazor tumani  
FV bo'limi inspektori,  
leytenant.

"Қамчиқ" довони ҳудудидаги ижтимоий-иқтисодий объектларда, жумладан, 15 та дам олиш масканида, 27 та савдо ҳамда 9 та умумий овқатланиш шохобчасида, болалар соғломлаштириш ва дам олиш масканларида фуқаро ва ишчи-ходимлар билан профилактик суҳбатлар ўтказилиб, тарғибот-ташвиқот ишлари амалга оширилди.

## ПРОФИЛАКТИК СУҲБАТЛАР

"Қамчиқавтойўл" ИЙФУКга қарашли 10 та йўл бўлими, "Қамчиқ", "Резак" туннеллари кириш-чиқиш қисмларида ва темир йўл станцияларида ёнгин ва фавқулодда вазиятлар рўй берганда аҳолини тўғри ҳаракат қилишга ўргатишга алоҳида эътибор қаратилмоқда.

**Р.ХОЛМАТОВ,**  
"Қамчиқ" МҚЁҚБ РКБ(б)МБ бошлиғи,  
кичик сержант.



## Чўмилишнинг НОХУШ ОҚИБАТЛАРИ

Қўшқўпир туман ҳудудидаги Ғазовот, Зейёп, Хонобод-1, Хонобод-2, Тўғайёп, Қуловот каналлари, Давдон ва Довудқўл сув объектлари қишлоқ хўжалигида мелиорация тадбирлари учун сув етказиб бериш мақсадида барпо этилган. Бу жойлар чўмилишга мўлжалланмаган.

Статистик маълумотларга кўра, кейинги 5 йил давомида сувда чўкиб ҳалок бўлган ёшларнинг 95 фоизи ота-оналар томонидан назоратсиз қолдирилганлиги ҳамда ўзбошимчалик билан белгиланмаган ва тақиқланган жойларда чўмилиш ва яна бошқа омилларни ташкил қи-

лади. Шунинг учун тарғибот тадбирларида иштирокчиларга ушбу ҳолатлар юзасидан тушунтириш ишлари олиб борилмоқда.

**Жалолиддин АБДАЛОВ,**  
Қўшқўпир тумани  
ФВ бўлими бўлинма  
бошлиғи, капитан.

FVV Boshlang'ich tayyorgarlik va malaka oshirish markazida uch avlod uchrashuvi tashkil etildi. Unda tizimda uzoq yillar samarali xizmat qilgan iste'fodagi polkovniklar Q.Ergashev, Q.Baxriev, M.Rahmonov, iste'fodagi podpolkovniklar U.Sanaqulov, R.Mavlonov, Sh.Ravshanov Sh.Otaboyev, M.Shamsiyevlar ishtirok etdilar.

## UCHRASHUV

Tinglovchilar bilan berib, kelgusidagi xizmatlariga omad tiladilar.

Uchrashuv davomida faxriylar o'z xizmat faoliyatlarini davomida yuz bergan ibratli voqealarni esga olishdi. Qolaversa, yoshlarga pand-nasihat-

**J.SAIDOV,**  
FVV BTva MOM  
bo'linma boshlig'i,  
podpolkovnik.



## МОТОПОМПЛАР ДОВОНДА НИМА УЧУН КЕРАК?

"Қамчиқ" довони ҳудудида кўп учрайдиган ёнгинлар асосан транспорт воситалари билан боғлиқ саналади. Қутқарувчилар "Қамчиқ" довонининг 242 – 254 км. ҳамда 250–261 км. оралиғида содир бўлган ёнгинни ўчиришда сув манбалари, ҳовузлар камлиги ҳамда гидрантлар, сойдан автомобиль билан сув олиш имкони йўқлиги боис, сув олишда мотопомпа, яъни мотор насосларидан фойдаланишади.



"Қамчиқ" махсус қидирув, ёнгин-қутқарув бошқармаси қутқарувчилари 2022 йил 10 сентябрь куни А-373 "Тошкент-Уш" автомобиль йўлининг 248,6 км.да содир бўлган мудҳиш йўл-транспорт ҳодисаси оқибатида келиб чиққан ёнгинда мотопомпадан фойдаланишган. Ушбу ЙТХда жами 10 та транспорт воситаси иштирок этган ва уларнинг 6 тасида ёнгин келиб чиққан. Ёнгин-қутқарув отряди қутқарувчиларининг махсус техникасида сув барча транспорт воситаларини ўчириш учун етмаганлиги боис режага асосан, сойдан мотопомпа ёрдамида сув тортиб, ёнгинни бартараф этишга эришилган.

Бундан кўринадики, мотопомпалар ёнгинларни бартараф қилишда, айниқса, довон шароитида жуда зарур ва уларнинг афзалликлари юқори ҳисобланади.

**Ғ.ОЛИМЖОНОВ,**  
"Қамчиқ" МҚЁҚБ ЁҚО смена бошлиғи,  
капитан.

## ФАОЛ БЎЛАЙЛИК!

Тошкент тумани ФВ бўлими томонидан "Долзарб 30 кун" тадбири доирасида бир қатор профилактик тадбирлар йўлга қўйилмоқда.

Тадбирлар давомида асосий эътибор аҳоли яшаш уйлари, ижтимоий соҳа, қурилиш объектларида ёнгинлар билан боғлиқ кўнгилсиз ҳолатларнинг олдини олишга қаратилмоқда.

**Ж.АҲМАТОВ,** Тошкент тумани ФВ бўлими бошлиғи ўринбосари, подполковник.

## HAMKORLIKDA

Farg'ona viloyati Qo'shtepa tumani FV bo'limi tomonidan "Qo'shtepa qurilish savdo kompleksi" MChJda o'tkazilgan o'quv mashqi davomida savdo kompleksi hududida faoliyat olib borayotgan tadbirkorlar hamda ishchi-xodimlarga yong'inlarning oldini olish va birlamchi yong'in o'chirish vositalaridan foydalanish bo'yicha zarur tavsiyalar berildi.



Bundan tashqari, taqiqlangan joylarda cho'milayotgan bir guruh yoshlar aniqlanib, cho'milish bilan bog'liq favqulodda vaziyatlarning oldini olish bo'yicha tushuntirish ishlari olib borildi.

**M.MAMARASULOV**, Qo'shtepa tumani FV bo'limi boshlig'i, podpolkovnik.

Самарқанд шаҳри Қорасув массивидаги кўп қаватли аҳоли турар жойларида махсус-тактик ўқув машқи бўлиб ўтди. Машғулот давомида бинода шартли zilzila ҳамда ёнғиндан инсонларни қутқариш ва унинг оқибатларини бартараф этиш ишлари амалга оширилди.

## МАҲОРАТ СИНОВИ

Тадбирда вилоят ФВБнинг 6 та ёнғин-қутқарув техникаси, 40 нафар шахсий таркиби, ИИБ, Миллий гвардия, тез тиббий ёрдам, газ ва электр таъминоти хизматлари техникала-

ри ва шахсий таркиби иштирок этди.

**Баҳриддин МУСУРМОНҚУЛОВ**, Самарқанд вилояти ФВБ бўлим бошлиғи, подполковник.



## YO'RIQNOMALAR BERILMOQDA

Farg'ona shahar FV bo'limi tomonidan fuqarolarga hamda korxonalar va tashkilotlar ishchi-xodimlariga yong'in xavfsizligiga rioya etish yuzasidan zarur ko'rsatmalar hamda birlamchi yong'in o'chirish vositalaridan foydalanish bo'yicha yo'riqnomalar berilyapti.



Shuningdek, Qizil Yarim Oy jamiyati vakillari hamkorligida "HUMO" bolalar sog'lomlashtirish oromgohida dam oluvchi yoshlar uchun maxsus texnikalar namoyishi va "Yosh qutqaruvchi" musobaqasi tashkil etildi.

Oromgoh tarbiyalanuvchilariga favqulodda vaziyatlarda to'g'ri harakat qilish va birinchi tibbiy yordam ko'rsatish tartibi amaliy tarzda ko'rsatib o'tildi.

**Kamoliddin IBRAGIMOV**, Farg'ona shahar FV bo'limi inspektori, kichik serjant.

## AMALIY SABOQ

"Sho'rtan gaz kimyo majmuasi" MCHJ Oqova suvlarni tozalash sexiga qarashli "AD-6401" qurilmasi hududida maxsus-taktik o'quv mashg'uloti o'tkazildi.



Mashg'ulotda tabiiy va texnogen tushdagi favqulodda vaziyatlarni bartaraf etishda qutqarish va boshqa shoshilinch ishlarni aniqlash, strategik muhim sanalagan hududlarda yuzaga kelishi mumkin bo'lgan favqulodda vaziyatlar, qutqaruv va boshqa shoshilinch ishlarni bajarishda nazorat organlari, obyekt bo'linmalarining tayyorlik darajasini tekshirish ishlari bajarildi.

**O.JUMAYEV**,

"ShGKM" MCHJ OBYXTTEB boshlig'i o'rinbosari, podpolkovnik.

**X.RAHMATOV**, 39-YQQ boshlig'i, podpolkovnik.

Olmazor tumani FV bo'limi xodimlari tomonidan "EURASIA ALLIANCE TEX" MCHJda amaliy-taktik mashg'uloti va seminar tashkil etildi.

## KORXONADA TADBIR

Tadbirlar davomida MCHJ rahbari va ishchi-xizmatchilariga yong'inlarning kelib chiqishiga yo'l qo'ymaslik, zilzila, sel kelishi, qor ko'chishi, kuchli shamol esishi bilan bog'liq favqulodda vaziyatlarda aholini xavfsiz joylarga ko'chirish, is gazidan zaharlanishning oldini olish, gaz-havo aralashmasining chaqnashi oqibatlarini bartaraf etish va yerosti suv quduqlarini

ishga yaroqli saqlash bo-rasida so'z yuritildi.

Korxonalar hududida yong'in-qutqaruv avtomobillarining harakatlantirishiga xalaqit beradigan, o'zboshimchalik bilan o'rnatilgan sun'iy beton-temir to'siqlar va yengil avtomobillar bilan to'sib qo'ymaslik kerakligi tushuntirildi.

**Sardor ILHOMOV**, Olmazor tumani FV bo'limi inspektori, leytenant.



## O'QUV MASHQI

"O'zmetkombinat" AJ "Ikkilamchiqorametal" departamenti "Namanganikkilamchiqorametal" filiali Pop tumani uchastkasida "Sanksiyalanmagan ionlashtiruvchi nurlanish manbasining topilishi bilan bog'liq radiatsiyaviy avariyaning chegaralash va bartaraf etishda FVDT tegishli xizmatlari va huquqni muhofaza qiluvchi idoralarning hamkorlikdagi harakatlari" mavzusida maxsus-taktik o'quv mashqi o'tkazildi.



Ushbu mashq davomida obyekt navbatchi dispetcheri tomonidan obyektning FM tuzilmalariga yig'in e'lon qilinib, tuzilmalar shay holga keltirildi. Radiatsion razvedka guruhi sanksiyalanmagan ionlashtiruvchi nurlanish manbalari aniqlanganda, vaziyatni to'g'ri baholash va yana qator amaliy choralar ko'rildi.

O'quv mashqi yakunida yo'l qo'yilgan kamchiliklarni bartaraf etish bo'yicha ko'rsatmalar berildi.

**Sanjar RAHIMOV**, Namangan viloyati FVB xodimi.

## KO'RGAZMALI TARZDA

NKMK DK AJ "Shimoliy" kon boshqarmasiga qarashli Kon jihozlarini ta'mirlash sexi ishchi-xizmatchilari bilan ko'rgazmali uchrashuv o'tkazildi.

Mazkur tadbir davomida 2023-yilning yoz oylarida ob-havoning keskin isib ketishi oqibatida sodir bo'lish ehtimoli mavjud yong'inlar va boshqa favqulodda vaziyatlar haqida zarur ma'lumotlar aytili.

**Sunnatillo NIZOMOV**, SHKB OYXTTEB 6-YQQ boshlig'i, mayor.



## ҚОНУН ВА ИЖРО

Қашқадарё вилояти Қамаш тумани ФВ бўлими ходимлари янги бунёд этилаётган ҳар бир бино ва иншоотларнинг қурилиш норматив-техник ва ёнғин хавфсизлиги қоидаларига амал қилиш ҳолатига эътибор қаратмоқдалар.

Қурилиш объектларига танланган ер майдонларининг меъёрий масофаларда жойлашганлиги, қурилиш-монтаж ишлари олиб борилаётган объектларда ташкил этилаётган захира сув манбалари ва тизимлари, фавқулodда вазият ёки ёнғин содир бўлганда қуриладиган чоралар юзасидан лойиҳа ташкилотлари, қурилиш пудратчилари ва дахлдор идоралар вакилларига кўрсатма ҳамда тавсиялар берилмоқда.

Ҳозирда бу борадаги тadbirlar жойларда давом эттирилмоқда.

**Отабек ХУШВАҚОВ**, Қамаш тумани ФВ бўлими НТБ бошлиғи капитан.

## MASHG'ULOT

"LUOK" MCHJ obyektini hududidagi Gumbuloq 3-gaz yig'uv punktida obyekt ko'ngilli yong'in o'chirish drujina a'zolari bilan birgalikda amaliy-taktik mashg'ulot o'tkazildi.

Mashq davomida yong'in va boshqa tushdagi favqulodda vaziyatlar sodir bo'lganda to'g'ri harakatlantirish malakalari mustahkamlandi.

**G'. DAMINOV**, "LUOK" MCHJ Qashqadaryo viloyatidagi OYXTTEB inspektori, katta leytenant.

## ТАБИАТ БОҒИДА

Жиззах вилояти ФВБ Ўрмон ёнғинларини бартараф этишга ихтисослаштирилган ёнғин-қутқарув отряди ходимлари томонидан Зомин миллий табиат боғида мутасадди ташкилотлар ходимлари билан ҳамкорликда бир қатор профилактик тадбирлар ташкил этилди.

Соҳа ходимлари томонидан боғ ҳудуди-га кираётган ҳар бир транспорт воситаси эгаларига хавфсизлик қоидалари акс эттирилган эслатма ва буклетлар тарқатилди. Ўрмон ҳудудида чекиш, олов

ёқиш, чўмилиш ва чиқинди ташлаш мумкин эмаслиги ҳақидаги огоҳлантирувчи белгилар кўзга кўринадиган жойларга ўрнатилди.

Шунингдек, хизмат кўрсатиш объектларининг ёнғинга қарши ҳо-



лати ўрганилиб, камчиликларга йўл қўймаслик чоралари кўрилди. Тадбиркорлар ва дам олувчи фуқаролар билан профилактик суҳбатлар ўтказилиб, хавфсизлик қоидалари тушунтирилди.

**Бегзод УСМОНҚУЛОВ,**  
**Жиззах вилояти ФВБ**  
**ЎЁБЭИЁҚО**  
**командири, майор.**

## ҚУРИЛИШДА МАЙДОНИДА

Сергели туманидаги 28 та қурилиш объектида ўрганишлар ўтказилиб, 485 нафар қурувчи билан учрашув ўтказилди ва кўргазмали чиқишлар ташкил қилинди.



Тадбирлар давомида иштирокчиларга электр сими иш жойидан 2,5 метр, ўтиш жойларидан 3 метр, ўтиш йўлларида 6 метр баландликда бўлиши кераклиги, ер, пол ёки қопламадан 2,5 метрдан пастроқ баландликда бўлган электр кабель ва симлар шикастланишдан ҳимояланган бўли-

ши лозимлиги ва яна қатор қоидалар эслатилиб, тушунтиришлар берилди.

Ҳозирда ушбу тадбирлар изчиллик билан давом эттирилмоқда.

**Санжар САИДМУРОДОВ,**  
**Сергели тумани ФВ**  
**бўлими НТБ бошлиғи,**  
**капитан.**

**Buxoro neftni qayta ishlash zavodi ishchi-xodimlariga, Neftchilar shahri aholisiga yong'in hamda boshqa tusdagi favqulodda vaziyatlarning oldini olishni tahlil qilgan holda, ularning sabablari va oqibatlarini tushuntirilmog'ida.**

## XAVFSIZLIK – BOSH TALAB

“Imom Buxoriy” nomli MFYdagi aholi yashash xonadonlarining har bir yashovchisi bilan alohida targ'ibot ishlari olib borilib, hududdagi davlat tashkilotlari ishchi-xodimlari bilan profilaktik suhbatlar o'tkazildi.

Tadbirlar davomida is gazidan zaharlanishning oldini olish, elektr va gaz

jihozlaridan yong'in xavfsizligi qoidalariga amal qilish, birlamchi yong'in o'chirish vositalaridan foydalanish tartibi tushuntirib berildi.

**Sh.O'RINOV,**  
**BNQIZ BYXTTEB**  
**boshlg'i, podpolkovnik.**

**N.ABDULLAYEV,**  
**inspektor, katta**  
**leytenant.**



## MAS'ULIYAT VA BURCH

“LUOK” MChJ obyekt ishchi-xizmatchilari ishtirokida tashkil etilgan suhbat va uchrashuvlarda yong'inning oldini olish va yuz berganda harakat qilish qoidalari tushuntirildi hamda tarqatma materiallar tarqatildi.



Obyektdagi mavjud yong'inga qarshi vositalar sozligi qaytadan ko'rib chiqilib, aniqlangan kamchiliklar yuzasidan obyekt rahbariyatiga axborot xatlari kiritildi.

Mazkur tadbirlar davomida bo'lim tarkibidagi yong'in-qutqaruv qismlari tomonidan obyekt ko'n-

gilli yong'in o'chirish drujinasi a'zolari bilan birgalikda qo'shimcha tarzda mashg'ulotlar o'tkazib kelinmoqda.

**S.HAMIDOV,**  
**“LUOK” MChJ**  
**Qashqadaryo**  
**viloyatidagi OYXTTEB**  
**inspektori, kapitan.**

Bog'ot tumani FV bo'limi tomonidan joylarda amalga oshirilgan profilaktik tadbirlar davomida yong'in yuzaga kelganda to'g'ri harakatlanish, o'zi va atrofidagilarning xavfsizliklarini ta'minlash, kechiktirmasdan o'z vaqtida tegishli tashkilotlarga xabar berishi zarurligi tushuntirildi.

## AHOI UCHUN



Bundan tashqari, tumandagi bozor hududida shartli yong'in chiqarilib, maxsus-taktik o'quv mashg'uloti o'tkazildi.

**Shixnazar XUDASHUKUROV,**  
**Bog'ot tumani FV bo'limi boshlig'i, podpolkovnik.**

**Elyor RAHIMOV,**  
**bo'lim boshlig'i o'rinbosari, kapitan.**

## KURGZMALI TARZDA

Олмазор туманидаги “Олтинсой” МФЙда Тошкент шаҳар ФВБ ходимлари томонидан ёнғин хавфсизлигини таъминлаш, фавқулодда вазиятларнинг олдини олиш, содир бўлганда оқибатларини бартараф қилишга оид тадбирлар давом эттирилмоқда.

Ушбу тадбирлар доирасида хонадонларда озик-овқат ва ис газидан захарланиш, газ-ҳаво аралашмаси чақнашининг олдини олиш, ёнғин хавфсизлиги қоидаларига риоя қилиш юзасидан маърузалар қилиниб, фавқулодда вазиятлар-

да тўғри ҳаракатланишга бағишланган материаллар тарқатилмоқда.

Жойларда ушбу тадбирлар давом эттирилмоқда.

**А.ҚУРАЛОВ,**  
**Тошкент шаҳар ФВБ**  
**ЁХТТЭБ мутахассиси,**  
**катта сержант.**

“Шўртаннефтгаз” МЧЖ объекти биноларида ёнғин хавфсизлигини таъминлашни ташкил этиш бўлими томонидан ёнғиндан муҳофаза қилинаётган Шўртан нефть қазиб чиқариш бошқармасига қарашли темир йўл тармоғининг ёнғин хавфсизлиги ҳолати ўрганиб чиқилиб, тармоқ темир йўл изларининг атрофларини қуриган хас-хашаклардан тозалаш бўйича далолатнома расмийлаштирилди.

## ОБЪЕКТ ТАДБИРЛАРИ



Аниқланган камчиликларнинг белгиланган муддатларда бартараф этилиши бўлим инспекторлари томонидан назорат қилиб борилмоқда.

Шунингдек, ишчи-хизматчилар билан электр асбоблари ва очиқ оловдан тўғри фойдаланиш, ёнғин хавфсизлиги талабларига риоя этиш бўйича учрашувлар ўтказилмоқда.

**Ф.АБДИСАЛОМОВ,**  
**“Шўртаннефтгаз” МЧЖ ОБЕХТТЭБ**  
**бўлима инспектори, катта лейтенант.**

## ТАРҒИБОТ

Яшнобод тумани ФВ бўлими томонидан ёнғин хавфсизлигини таъминлаш ва ёнғин билан боғлиқ бахтсиз ҳодисаларнинг олдини олиш юзасидан ташкилот ва идораларда, ижтимоий объектларда, савдо мажмуалари ҳамда бозорларда, аҳоли орасида тарғибот-ташвиқот тадбирлари олиб борилмоқда.

Тадбирлар давомида фуқароларга мавзу юзасидан тушунчалар берилиб, кўргазмали чиқишлар ташкиллаштирилмоқда. Бозорларда ўтказилган машғулотларда тарғибот материаллари тарқатилмоқда.

**Ф.РАҲМАТИЛЛАЕВ,** Яшнобод тумани ФВ бўлими ходими.

## ЗАРУР ЧОРАЛАР

Сурхондарё вилояти Денов туманидаги “Яшил олам” ҳамда Термиз шаҳридаги “Яшил дунё” бозорлари ва савдо дўконлари ўрганилганда, ўтиш йўлларидаги ўзбошимчалик билан турли маҳсулотлар билан тўсиб қўйилганлиги, юқори кучланишли электр симларини вақтинчалик ўтказиш билан боғлиқ кўплаб камчиликлар борлиги, бирламчи ёнғин ўчириш воситалари шай ҳолатда эмаслиги маълум бўлди.

Мазкур камчиликлар ҳақида бозорлар маъмурияти ва тегишли тадбиркорлик субъектлари огоҳлантирилди. Бу камчиликларни ўз вақтида бартараф этмаслик ёнғин ва бошқа фавқулодда вазиятларга сабаб бўлиши мумкинлиги тушунтирилди.

Аҳоли яшаш жойларига яқин ҳудудлардаги ёнғинга қарши гидрантларнинг ҳам созлиги текширилди. Носоз ҳолатга келиб қолган сув манбалари аниқланиб, носозликларни бартараф этиш чоралари кўрилди.

**Жаҳонгир ҚОСИМОВ,**  
**Сурхондарё вилояти ФВБ ОЕХТТЭБ**  
**инспектори, капитан.**

# “ДОЛЗАРБ 30 КУН” ДОИРАСИДА

**Olmaliq shahar FV bo'limi tomonidan “Dolzarb 30 kun” oyiligi doirasida MCHJ “ELEGANT GARMENT TEXTILE” XK ishchi-xizmatchilari bilan uch-rashuv tashkil etildi.**

Tadbir davomida favquloodda vaziyat yuz ber-



ganda harakat qilish, yong'in xavfsizligi qoidalariga amal qilish va birlamchi yong'in o'chirish vositalaridan foydalanish bo'yicha zarur tavsiyalar berildi.

**Shaxzod SHERQULOV, Olmaliq shahar FV bo'limi MTB boshlig'i, katta leytenant.**

\*\*\*

Жиззах вилояти ФВБда ўтказилган йиғилиш давомида вилоят ҳудудидаги ўрмонлар, далалар, бозорлар, савдо мажмуалари, ижтимоий-маданий, саноат ва муҳандислик-коммуникация объектларида, аҳоли гавжум объектларида ёнғин хавфсизлиги талабларига риоя қилиниши юзасидан олиб борилган ўрганишлар хусусида сўз юритилди.



Аниқланган камчиликлар, уларни бартараф этиш, юзага келиши мумкин бўлган ёнғинларнинг олдини олиш ҳамда ёнғин хавфсизлигини таъминлаш чора-тадбирларини кучайтириш лозимлиги таъкидланди.

Тадбир давомида масъуллар томонидан вилоятдаги барча кор-

хона, ташкилот ва муассасалар ҳамда йирик савдо мажмуалари, бозорлар раҳбарларига ёнғин хавфсизлигини таъминлаш бўйича бажарилиши зарур бўлган аниқ чора-тадбирлар белгилаб берилди.

**Адҳам ТАНГРИЕВ, Жиззах вилояти ФВБ бошлиғи ўринбосари, подполковник.**

\*\*\*

**Ohangaron tumani “O'zbekiston temir yo'llari” AJ OYXTTEBda “Dolzarb 30 kun” tadbirlari munosabati bilan yig'ilish o'tkazildi.**



Tadbirda yong'inlar va ularning oqibatlarini, favquloodda vaziyatlar, yong'in xavfsizligini ta'minlash bilan bog'liq chora-tadbirlar to'g'risida so'z yuritildi.

Mahallalarda hamkorlikdagi ishlarni kuchaytirish, ishchi guruhlar tuzish, xonadonlarga kirib, yong'in xavfsizligi bo'yicha mavjud muammolarni aniqlash, bartaraf etish choralarini ko'rishini zarurligi tushuntirildi.

**U.SHERMURATOV,**

**Ohangaron tumani “O'zbekiston temir yo'llari” AJ OYXTTEB boshlig'i, podpolkovnik.**

**Z.ESHNAZAROV, bo'linma katta inspektori, katta leytenant.**

\*\*\*

Сирдарё тумани ҳудудидаги дўконлар ва савдо расталарининг ёнғинга қарши ҳолати, айниқса, электр симларининг талаб даражасида уланганлиги, суюлтирилган газ баллонларидан фойдаланиш тартиби назоратдан ўтказилмоқда.

Тадбирлар давомида аниқланган камчиликлар ва қоида бузилиш ҳолатлари бўйича дўкон эгалари ва сотувчиларга тушунтиришлар берилиб, ёнғин хавфини келтириб чиқариши муқаррар ҳолатлар дўкон эгалари билан биргаликда бартараф этилмоқда.

Булардан ташқари, содир бўлган ёнғинларни зудлик билан бартараф этишни таъминлаш ҳамда турли сунъий тўсиқларни олиб ташлаш мақсадида ёнғин-қутқарув автомобиллари ҳаракатлантирилмоқда.



**Хусан БЕРДИЕВ, Сирдарё тумани ФВ бўлими бошлиғи ўринбосари, майор. Бегзод АБДУЛЛАЕВ, бўлинма бошлиғи, подполковник.**

\*\*\*

“Dolzarb 30 kun” tadbiri doirasida Dehqonobod tumanida 1919 ta aholi yashash xonadoni va 198 ta yuqori qavatli uylardagi xonadonlar tekshirildi. Unda 201 ta kamchilik aniqlanib, 189 tasi joyida bartaraf etildi. Qolgan kamchiliklarni bartaraf qilish yuzasidan tuman hokimligiga va boshqa tashkilotlarga axborotnoma hamda taqdimnomalar kiritildi.

Hokimlik binosi oldidagi elektron tabloga va 4 ta avtomobil yo'llarining katta chorrahalar va yo'l chetlariga bilbordlar o'rnatildi. Aholi ko'p to'planadigan joylarda 34 marotaba uchrashuv o'tkazildi. Suvsiz hudud-

larga kerakli vaqtda suv yetkazish maqsadida, kunlik 6 ta suv tashish texnikasi navbatchilikka qo'yildi.

**Sh.TOG'AYEV, Dehqonobod tumani FV bo'limi boshlig'i o'rinbosari, mayor.**

\*\*\*

“Dolzarb 30 kun” tadbiri doirasida “O'zbekiston” xalqaro anjumanlar saroyidagi mavjud Yong'in-texnik komissiyasi huzurida maskanning yong'in xavfsizligini ta'minlash, ularning barqaror faoliyat ko'rsatishi yuzasidan yig'ilish o'tkazildi. Tadbir davomida zarur chora-tadbirlar ishlab chiqildi.

**Shodiyor ERKAYEV, “O'zbekiston” xalqaro anjumanlar saroyida YOXTTEB inspektori, mayor.**



\*\*\*

Олмазор туманидаги “Чустий” МФЙ ва 298-умумтаълим мактабида “Долзарб 30 кун” тадбири доирасида профилактик суҳбат ва учрашувлар ташкил қилинди.

Тадбирлар давомида иштирокчиларга ёнғин ва бошқа тусдаги фавқулодда вазиятлар, улар юзага келганда тўғри ҳаракатланиш қоидалари тушунтирилди.

Суҳбатлар давомида тадбир қатнашчиларининг саволларига мутахассислар томонидан атрафлича жавоб берилди.

**Рустам ЭГАМБЕРДИЕВ, Тошкент шаҳар ФВБ ЁХТТЭБ мутахассиси, оддий аскар.**

\*\*\*

“Долзарб 30 кун” тадбири доирасида Бек-обод шаҳар ҳокими, ФВ бўлими бошлиғи, сектор раҳбарлари, дахлдор идоралар ходимлари томонидан бозорлар, одамлар кўп йиғиладиган савдо марказларида ёнғин хавфсизлигини таъминлаш бўйича назорат-профилактика тадбирлари олиб борилмоқда. Бозорларда 8 маротаба назорат-профилактика тадбирлари олиб борилиб, аниқланган 216 та камчилик ва қоида бузилиш ҳолатларининг 124 таси жойида бартараф этилди.

Мазкур камчиликлар ва қоида бузилиш ҳолатлари бўйича дўкон эгалари ва сотувчиларга тушунтиришлар берилиб, ёнғин-қутқарув автомобилларининг ҳаракатланишига халақит

берадиган ноқонуний қурилма ва сунъий тўсиқлар олиб ташланмоқда.

**А.ҲАЙИТБОЕВ, А.ТУМАНОВ, Тошкент вилояти ФВБ НТБ ходимлари.**



\*\*\*

Ўзбекистон МТРК Медиамарказида “Долзарб 30 кун” тадбирлари доирасида учрашув бўлиб ўтди.

Унда давлат органлари ва ташкилотларда ҳамда маҳаллаларда жамоатчилик ва волонтерлар гуруҳларини шакллантириш, “Электр ускуналарининг тузилиш қоидалари” талаблари асосида тадбирларнинг бажарилишида кўмаклашиш, ўт ўчиргичлар билан ишлаш бўйича мунтазам машғулотлар ўтказиш, ёнғин хавфсизлиги қоидаларига риоя қилиш тўғрисида айтиб ўтилди.

Учрашув якунида плакат ва эслатмалар тарқатилиб, қатнашчиларнинг саволларига жавоб берилди.

**О.ОТАМУРОДОВ, Медиамаркази ДМ ЁХТТЭБ инспектори, капитан.**

\*\*\*

Бугунги кунда ёнғин ва бошқа тусдаги фавқулодда вазиятларнинг олдини олиш тадбирлари қизғин тусга кирган. Чунки, ёзги мавсумда ёнғин билан боғлиқ ҳодисалар хавфи ортади.

Шундан келиб чиққан ҳолда, ҳозирда маҳаллаларда, давлат ва жамоат ташкилотларида “Долзарб 30 кун” тадбирлари ташкил қилиниб, ушбу тадбирларда иштирокчиларга ёнғин ва бошқа тусдаги фавқулодда вазиятлар юзага келганда тўғри ҳаракатланиш тартиб-қоидалари тушунтирилмоқда.

Тадбирлар давомида ёнғин-қутқарув техникалари ҳамда асбоб-анжомлар кўргазмаси ҳам намойиш қилиниб, иштирокчиларнинг бу борадаги саволларига жавоб берилмоқда.

**Р.ИСМАТИЛЛАЕВ, Тошкент шаҳар ФВБ ЁХТТЭБ мутахассиси, оддий аскар.**

# “ДОЛЗАРБ 30 КУН” ДОИРАСИДА

Тошкент вилояти ФВБ ҳамда Бекобод шаҳар ФВ бўлими ходимлари томонидан “Долзарб 30 кун” тадбирлари доирасида янги қурилатган ва реконструкция қилинаётган бинолар ҳамда қурилиш майдонларида меҳнат қилаётган ишчи-хизматчилар иштирокида тарғибот-ташвиқот ишлари олиб борилмоқда.



Мазкур тадбирлар давомида ишчи-ходимларга қурилиш давомида хавфсизликни таъминлаш ва электр тармоқларидан фойдаланиш қоидаларига

риоя этиш борасида тушунтиришлар берилмоқда.

**А.ҲАЙИТБОЕВ,  
Э.ШУКУРБЕКОВ,  
Тошкент вилояти ФВБ  
НТБ ходимлари.**

“Долзарб 30 кун” тадбирлари доирасида “Қамчиқ” махсус қидирув, ёнғин-қутқарув бошқармаси ходимлари томонидан доводдаги барча ошхона, дам олиш маскани, мавсумий ва доимий яшаш жойларида фуқаролар билан ёнғин хавфсизлиги қоидаларига амал қилиш, юзага келганда ҳаракатланиш тартиби юзасидан учрашувлар ташкил қилинди.

Мазкур тадбирлар давомида мавзуга оид эслатмалар тарқатилиб, профилактик тадбирлар амалга оширилди.

**У.НОРБОЕВ,  
“Қамчиқ” МҚЁҚБ гуруҳ командири,  
катта лейтенант.**



Қорақалпоғистон Республикаси ФВБ ва унинг жойлардаги бўлимлари томонидан шаҳар ва туманлар, маҳаллалар ҳамда овулларда ёнғинларнинг олдини олиш бўйича чора-тадбирлар, иш режаси ишлаб чиқилиб, ҳудудлардаги ижтимоий соҳа объектлари, кўп қаватли турар жойлар, аҳоли хонадонлари ва янгитдан бунёд этилаётган қурилишларда кенг қамровли профилактик тушунтириш ишлари олиб берилмоқда.

Ўтказилаётган тарғибот ва ташвиқотларга қарамай, айрим қурилиш ташкилотлари, ишлаб чиқариш корхоналари ва кўп қаватли уйларда яшовчилар ёнғин хавфсизлиги қоидаларига қатъий риоя қилмаганлиги натижасида моддий ва маънавий зарар кўрмоқда.

Жумладан, Нукус шаҳри ҳудудида кўп қаватли уй қураётган хусусий корхоналардан бирида ишловчилар бино ва иншоотларда ёнғин хавфсизлиги талабларининг тегишли бандларига амал қилмасдан иккинчи қаватда монтаж ишларини олиб бораётганда ёнғин келиб чиққан. Ёки шаҳардаги ишлаб чиқаришга ихтисослашган муҳим объектада корхонадан чиққан чиқинди белгиланган жойда ёқилмагани ва ён-атроф қуриган ўт-ўландан тозаланмагани учун бу ерда ҳам “тилсиз ёв” ўз кучини кўрсатиб, корхона каттагина моддий зарар кўрган.

Кўп қаватли уйлардан бирида эса хонадон эгаси дазмолни электрга улаган ҳолда қолдириб кетгани туфайли ёнғин келиб чиққан. Ходимларнинг тезкор ҳаракатлари натижасида ёнғин бартараф қилинди.

**Досмурза АМАНГЕЛДИЕВ,  
Қорақалпоғистон Республикаси ФВБ бўлинма  
бошлиғи, майор.  
Мажит ДЖУМАНАЗАРОВ,  
Қорақалпоғистон Республикаси ФВБ бўлинма  
инспектори, катта лейтенант.**

Ohangaron shahar FV bo'limi xodimlari ko'p qavatli qurilish obyektlarida quruvchilar ishtirokida yong'in xavfsizligiga oid suhbatlar tashkillashtirildi.



Profilaktik tadbirlar davomida yong'inlar va boshqa tUSDagi favqulodda vaziyatlarning oldini olish, no-soz qo'lbola elektr, gaz jihozlaridan foydalanmaslik zarurligi aytildi.

Uchrashuvda ishtirokchilarning savollariga atroflicha javob berildi.

**Azizbek QO'SHAQOV, Ohangaron shahar FV bo'limi boshlig'i o'rinbosari, kapitan.**

Навоий кон-металлургия комбинати жамғармаси ДМ ишчи-ходимлари билан “Долзарб 30 кун” доирасида тарғибот тадбирлари ташкил этилди.

Мазкур тадбирда мамлакатимиз ҳамда дунёда содир бўлаётган ёнғинлар ҳамда уларнинг келиб чиқиш сабаблари хусусида тўхталиб ўтилди. Шунингдек, республикамиз ҳудудида жорий йилнинг ўтган даври мобайнида содир бўлган ёнғинлар, чўмилиш қоидалари, овқатдан ва ис газидан заҳарланиш ҳолатлари, уларнинг аянчли оқибатлари айтиб ўтилди.

**Нилуфар КЕНЖАЕВА,  
катта инспектор, подполковник.**

**Маъруфжон ХАЙИТОВ,  
НКМК ЁХТТЭМ гуруҳ бошлиғи, катта сержант.**



Ҳозирда ёнғин-қутқарув хизматлари ходимлари жойларда “Долзарб 30 кун” тадбири доирасида бир қатор амалий тадбирларни олиб бормоқдалар.

Тадбирлар аҳоли да, иштирокчиларга ёнғавжум жойлар, давлат идоралари ҳамда муассасаларда ташкил қилиниб, уларда ишчи-ходимлар ва аҳолига фавқулдда вазиятларда ҳаракатланиш юзасидан машғулотлар ўтказилмоқда.

Машғулотларда ёнғин-қутқарув техникалари ҳамда асбоб-анжомлар кўргазмаси намойиш қилинган ҳолда, иштирокчиларга ёнғин ва фавқулдда вазиятлар юзага келганда тўғри ҳаракатланиш юзасидан тавсиялар берилмоқда.

Ҳозирда бу каби профилактик тадбирлар қизғин давом эттирилмоқда.

**М.МИРЗАОЛИМОВ,  
Тошкент шаҳар ФВБ  
ЁХТТЭБ мутахассиси,  
оддий аскар.**

Юнусобод туманидаги “Янгибоғ” МФЙда “Долзарб 30 кун” тадбири доирасида профилактик суҳбат ва учрашувлар ташкил қилинди.

Тадбирлар давомида иштирокчиларга ёнғин ва бошқа тусдаги фавқулдда вазиятлар, улар юзага келганда тўғри ҳаракатланиш қоидалари тушунтириб ўтилди. Газ ва электр мосламаларидан ёнғин ҳамда техника хавфсизлиги талабларига қатъий риоя қилган ҳолда фойдаланиш зарурлиги яна бир карра эслатилди.

Суҳбатлардавомида тадбир қатнашчиларининг саволларига мутахассислар томонидан атрофлича жавоб берилди.

**Камолиддин РОЗИҚОВ,  
Тошкент шаҳар ФВБ Маърифат маркази  
ЁХТТЭБ мутахассиси,  
катта сержант.**

Ёзда кондиционер, музлаткич ва қуруқ ўтлар сабабли ёнғинлар келиб чиқмоқда. Статистик маълумотларга кўра, йил бошидан бери 3449 та ёнғин содир бўлиб, унда 82 киши жабрланган, 48 киши ҳалок бўлган.

Ёнғин келиб чиқиш сабаблари таҳлил қилинганда, аҳоли яшаш жойларидаги ёнғинлар маиший кондиционер ва музлаткичлардан ҳамда тозаланмаган хашакларнинг ёнишидан келиб чиқмоқда.

Бу каби ҳолатлар барчамиздан ҳамиша огоҳлик ва ҳушёрликни талаб қилади.

**М.НОРБОЕВ, Тошкент шаҳар ФВБ ходими.**

Сергели туманидаги 7-умумтаълим мактабидан “Долзарб 30 кун” тадбири доирасида назарий ва амалий тадбирлар ташкил қилинди.

Тадбирлар давомида иштирокчиларга ёнғин ва бошқа тусдаги фавқулдда вазиятлар, улар юзага келганда тўғри ҳаракатланиш қоидалари тушунтирилиб, ёнғин-қутқарув техникалари ҳамда асбоб-анжомлар кўргазмаси ўтказилди.

Кўргазмада махсус воситалардан фойдаланиш тартиб-қоидалари тушунтирилиб, иштирокчиларга ёнғин ва фавқулдда вазиятлар юзага келганда тўғри ҳаракатланиш юзасидан тавсиялар берилди.

**Исроил ҲАФИЗОВ, Тошкент шаҳар ФВБ  
ЁХТТЭБ мутахассиси, оддий аскар.**

“Долзарб 30 кун” тадбири доирасида Жиззах шаҳар Марказий деҳқон бозорида тегишли ташкилотлар билан ҳамкорликда махсус-тактик ўқув машқи ўтказилди.



Тадбир давомида шартли ёнғинларнинг бартараф этиш, инсонларни қутқариш ва фавқулдда вазиятлар оқибатларини бартараф қилиш, бундай вазиятларда фавқулдда вазиятлар давлат тизимига кирувчи хизматларнинг ҳамкорликдаги ҳаракатлари мувофиқлаштирилди.

**Шароф ШУКУРОВ,  
Жиззах вилояти ФВБ  
бошлиғи биринчи ўрин-  
босари, подполковник.**

## Биласизми?

БУГУН – ГАМБУРГЕР  
ЯРАТИЛГАН КУН

Гамбургер Американинг машхур таоми ҳисобланади. 1900 йил 27 июль куни америкалик озиқ-овқат сотувчиси Луи Лессинг ўзининг она шаҳри Нью-Ҳейвенда илк гамбургерни сотган. Айнан шу сотувчи икки думалоқ булочкаларнинг орасига анъанавий немис бифштексини қўяди ва соус, салат барги билан безайди.

Гамбургернинг айнан шундай кўриниши янги ҳаётнинг озиқ-овқатлари белгисига айланди. 1904 йилда Сент-Луисда ўтказилган бутунжаҳон кўрғазмасида гамбургерлар юқори машхурликни қўлга киритди. Бироқ, ўттиз йил давомида америкаликлар хот-доглар, қовурилган товۇқлар ва Италия пиццасини хуш кўрганлар.

1930 йилда Уолтер Андерсон томонидан гамбургерлар овқатланиш таомномасига асосий овқат сифатида киритилди. “Wimpy Grills” деб номланган кафеда гамбургерлар омади юришди. Тез истеъмол қилиш таоми машхур бўлди. Гамбургерларни арзон нархларда сотишни бошладилар. Гамбургерлар тайёрланиши тезлашди. Кафеларда ҳар бир харидор учун 1 дақиқа ичида гамбургер тайёрланди.

1948 йилда гамбургерларнинг энг омадли бизнес тарихи бошланди. Калифорния шаҳри Сан-Бернардинода сутли коктейллар аралаштирадиган машина ихтирочисини Рей Крок ва



ака-ука Макдоналдлар учрашиб қолишади. “McDonald’s” гамбургерлари шу тарзда пайдо бўлган. Гамбургерларни оддий овқатланиш жойларида ва ресторанларда ҳам истеъмол қилиш мумкин.

ДУНЁДАГИ  
ЭНГ КАТТА  
ШАРШАРАЛАР


## ОЛДИНДАН АНИҚЛАШ УСУЛИ

Лазур қирғоғи университети олимлари “GPS” сигналларидаги кичик ўзгаришлар катта zilzilalar юз беришидан тахминан икки соат олдин прогноз қилишда ёрдам беришини аниқлади.

Мутахассисларнинг фикрига кўра, унинг ёрдамида кўплаб одамларнинг ҳаётини сақлаб қолиш мумкин. Олимлар жамоаси етти ва ундан ортиқ магнитудали 90 та йирик zilzilадан олинган “GPS” маълумотларини таҳлил қилди ва олдинги фазанинг далилларини топди. Бу даврда тектоник плиталарнинг ёриқ чи-

зиқлари силжий бошлайди, оқибатда кучли zilzilalar юзага келади.

Қайд этилишича, кучли zilzilаларни аниқ башорат қилишга бошқа уринишлар ҳам бўлган, ammo улар муваффақиятсизликка учраган. Бу кўп жиҳатдан олимларнинг ушбу сигналлар ва ҳақиқий сейсмик фаоллик ўртасидаги боғлиқликни тўлиқ тушунмагани билан боғлиқ. Калифорния университети сейсмологи Роланд Бюргманнинг сўзларига кўра, мазкур тадқиқотга ишонч ҳосил қилиш учун яна кузатув олиб бориш керак.



Шаршара юксакликдан пастга оқиб тушадиган сув оқимидир. Агар сув ҳажми оз бўлса, шаршара «каскад», кўп бўлса, «катаракт» деб аталади. Айрим шаршаралар юз метрлаб баландликдан яхлит ва энсиз оқим бўлиб пастга тушади. Бошқалари эса камардан ошиб ўтадиган сувнинг мўллиги ва энлиги билан машхур.

Венесуэланинг Гвиана тоғларидаги Анхел шаршаралари дунёдаги энг катта (980 метр) ва узун узлуксиз тушум (807 метр) га эга. Шаршараларни 1935 йили америкалик учувчи Жеймс Эйнжел кашф этган. Осиёдаги энг катта шаршара Ҳиндистондаги Герсоппа шаршарасидир. Бу катарактнинг умумий узунлиги 252 метр бўлган тўртта камардан оқиб тушади. Суви энг кўп катаракт Бразилия ва Парагвай чегарасидаги Гуайра шаршарасидир. Ундан ҳар секундда 13309 куб метр сув тушади. Гуайра умумий сув тушумининг узунлиги 60 метр бўлган 18 та бўлак-бўлак шаршарадан иборат. Дунёдаги энг баланд шаршаралардан бири Калифорниянинг Ёсимит миллий боғидаги Риббон шаршарасидир. Бу энсиз сув оқими Мерсед дарёсига 490 метр баландликдан тушади. Дунёдаги иккинчи катта шаршара Жанубий Африкадан топилган. Бу Тугела шаршарасидир. У 853 метр баландликдан беш босқичда оқиб тушади. Энг машхур шаршара эса Ниагара шаршарасидир. У Нью-Йорк штатидаги Буффало шаҳридан 25 км. узоқликда оқиб ўтадиган Ниагара дарёсидадир. У иккита катаракт: Тақа (Канада) ва Америка шаршараларидан ташкил топган.

**Анвар ҚОБИЛОВ**  
интернет материаллари  
асосида тайёрлади.



## Vaziyat

газетаси

**Муассис:**  
Ўзбекистон  
Республикаси  
Фавқуллода  
вазирлар  
вазирлиги

Бош муҳаррир в.б.  
**Азамат СУЮНОВ**

Газета таҳририят  
компьютерхонасида  
саҳифаланди.

Газета ҳар ҳафтанинг  
пайшанба куни чиқади.  
Топшириш вақти — 15:00.  
Топшилди — 15:00.

Навбатчи:  
**М. САНАЕВ**

Таҳририятга юборилган  
материаллар қайтарилмайди ва  
изоҳ берилмайди.  
Муаллифлар фикри таҳририят  
нуқтаи назаридан фарқлиниши  
мумкин.

Газетадан олинган  
материаллар манбаси  
кўрсатилиши шарт.

Газета Ўзбекистон  
Матбуот ва ахборот  
агентлигида 2007 йил  
3 январда 0096-рақам  
билан рўйхатга олинган.  
**ISSN 2091-5292**

**Таҳририят манзили:**  
100084, Тошкент шаҳри,  
Кичик ҳалқа йўли, 4-уй.  
Тел.: (71) 231-96-71  
Телеграмм: (90) 016-87-67

**Индекс:**  
якка обуначилар ва  
ташкilotлар учун — 382

Газета  
“BUSINESS PRINT DESIGN”  
босмахонасида босилди.  
**Манзил:** Тошкент шаҳри,  
Сўғалли ота кўчаси, 5-уй.  
Буюртма №  
Бичими: А3, ҳажми: 2,0 б.т  
Адади — 5983 нусха